

吳縣志卷第七十一上

列女一

舊志甄錄列女多尙節烈其安常處順者雖賢弗著誠以樹貞風砥頹俗烈霜勁草君子必於是取焉但列女傳託始蔚宗范書中所載列女搜次才行尤高秀者都連類書之茲特條其目曰節烈曰貞孝曰賢淑曰才慧則仍沿史家之例焉

節烈

吳縣

漢

許升妻呂氏女也字榮升少爲博徒榮勤業養姑數勸升修學有不善輒流涕進規榮父積忿疾升乃呼榮欲改嫁之榮歎曰命之所遭義無離二升感激乃尋師遠學遂成名尋被本州辟命行至壽春道爲盜所害刺史尹耀捕盜得之榮迎喪於路聞而詣州請甘心讎人耀聽之乃斷其頭以祭升後郡遭寇賊欲犯之榮踰垣走賊拔刀追之曰從我則生不則死榮曰義不受辱賊遂殺之是日疾風暴雨雷電晦冥賊懼叩頭謝罪乃殯葬之

後漢書

以下並見
同治府志

孫奇妻廣陵范愼女名姬年十八配奇一年而奇亡父母以其少寡無子迎還其家姬不肯迎者迫之姬乃割耳及鼻曰父母迎我者以我年少色美今已殘矣行將焉如於是迎者

空返

吳郡志引
列女傳

二貞婦者公孫達妻卻李公謀妻戴各遭寇賊臨之以白刃曰寧爲我妻而生乎將不從而死乎二貞婦曰婦人以貞淑爲節豈可畏死而忘行遂殺之

盧志引皇甫
謐列女傳

三國

張溫姊妹三人皆有節行爲溫事已嫁者皆見錄奪其中妹先適顧承官以改嫁丁氏成婚有日遂飲藥而死吳朝嘉歎

文士
傳

晉

張茂妻陸氏吳郡人茂爲吳郡太守被沈充所害陸氏破家產率茂部曲爲先登以討充充敗陸詣闕上書爲茂謝不克之責詔曰茂夫妻忠誠舉門義烈宜追贈茂太僕

晉書

宋

張弼妻徐觀妙直祕閣中女也建炎三年金兵犯揚州官軍奔潰肆掠執徐欲污之徐瞋目大罵曰朝廷畜汝輩以備緩急今敵犯行在既不能赴難反乘時爲盜我恨一女子不能引劍斷汝頭以快衆忿寧肯受汝辱以苟活耶賊刺殺之投江中而去弼歷陽人也志盧

何氏吳人吳永年之妻也建炎四年春金兵遁去城中人死者五十餘萬永年與其姊及何奉母而逃母老待扶持而行卒爲賊所得將繫其姊及何何給賊曰諸君何不武耶婦人東西唯命耳賊信之行及水濱何謂其夫曰我不負君遂自投於河其姊繼之志盧

劉士英妻陳氏居父母家建炎之禍被獲赴井死士英字仲發武康人靖康初通判太原與金人戰被執罵賊不輟死志盧清道光二十八年追旌長元節志

王氏消夏灣人生而穎異七歲能詩有宮詞七百首傳播江浙宋高宗都臨安聞其名召拜爲妃氏對使曰二帝未還敵邦未殄便志耽晏樂英主必不出此題詩付使者復命卽闔

戶自經死詔贈貞烈夫人

太湖備考引李玉中稗藁

莆田教諭徐大章妾顧氏洞庭西山人大章亡主母欲嫁之氏不從一夜眉髮盡白守節四

十七年元大德元年卒郡守陸俸弔以詩葬縹緲峯西麓孝嚴庵後庵氏守節所也明蔡羽有重修孝嚴庵記

太湖備考卷西洞
庭節孝貞烈志略

元

后載妻失其氏載爲郡吏至正丙申行役京口妻年三十姿色姝麗生一子一女城陷先屬子女於姻謂所親曰吾夫在遠而罹此大變或不幸被強辱雖欲死不可得矣寧捐軀以

全吾志語未畢兵入赴水死

姑蘇志

清道光二十年追旌

長元節
孝祠志

廣平路總管浦源子玉田妻梅氏郡人至正十六年淮兵破城梅氏匿旁小民家兵入夫逸去梅氏爲兵所得見其色將污之梅氏探懷中金與之乘間赴水水淺不得溺兵至水次以刃擬氏氏不爲動兵舍去後至者見婦面水上知其生復欲鉤出之力挽不肯升兵怒以戈搯其腋死

高啓傳

楊椿妻王氏吳人張士德寇郡椿戰死氏被髮徒跣冒鋒鏑尋屍三日得於張香橋下輿歸

葬之與子女二人同日卒

詳見
椿傳

清道光二十八年追旌

長元節
孝祠志

張吳駙馬左丞潘元紹妻隆安公主城破日突圍救夫自刎新橋死公主母劉夫人城破登

齊雲樓闔宮自焚

節碧城文淵集張
吳宮闔殉節錄序

七姬者段氏程氏翟氏徐氏羅氏卞氏彭氏浙江行省左丞潘元紹妾也至正丁未元紹在吳臨戰歸謂七姬曰我受國重寄義不顧家脫有不虞若等當自引決段氏於諸姬最少曰主君遇妾厚微主君言妾敢有他志請及君時死遂入室自縊六人亦相繼自經死乃焚其屍合而瘞之

張吳宮闔
殉節錄序

擔夫婦家郡城不知其姓氏夫在官倉擔米張士誠時應募出充戰士丁未六月戰死於城西門婦號泣城下得其屍解衣拭之斂於棺哭盡哀既焚收骨裹以帛仰天大慟身與骨俱投於水

姑蘇
志

清道光二十年追旌

長元節
孝祠志

劉節婦泰州坂埭人居吳門適張士誠部將曹某方數月夫陣亡劉不避凶險求其屍歸葬欲以身殉父不許既而權貴人聞劉美且賢欲強委禽焉劉誓死不二遂削髮爲比丘尼

輟耕
錄

明

張槩妻金氏名淑寧吳人德儒先生之女年二十二嫁槩槩得罪將寘於法淑寧聞之曰吾

雖歸張未及期月義不可使夫獨死死於夫死之後孰若死於其前遂自經死後三月槩

得有天台林右作張烈婦傳

姑蘇志

清道光十七年追旌

長元節
孝祠志

史景忠妻鄒氏年十八嫁景忠未幾景忠謫戍大寧與其姑及一女隨行洪武丙子寇發大

寧城中有欲犯鄒者鄒不從脅以刃鄒嚙齒罵延頸受刃竟被殺時年二十一

張和傳

于得泉女許贅徐景仁未昏而景仁坐罪劓父以子殘廢欲解昏得泉甚悅女不從曰彼初

非殘者竟成昏事夫甚謹後數年景仁以前事戍雲南其弟于祿謂之曰若他適可免不

則死萬里矣氏曰此何難遂自經死

姑蘇志

清道光二十八年追旌

長元節
孝祠志

陸氏子吹笛爲生妻某氏田家女也陸病久女歸父家求升粟還陸已死女哀哭祭畢自經

於夫屍之旁

姑蘇志

清道光二十八年追旌

同上

王妙鳳洞庭東山人許嫁吳奎奎母有淫行不欲行母不許妙鳳歸吳以禮自將奎嘗商於

外妙鳳獨與姑居一日姑與所私飲并欲汙之戲紵其臂妙鳳憤極拔刀斫臂父母欲訟

之官妙鳳曰死則死耳豈有婦訟姑理耶逾旬卒里人白於縣縣梗姑婦之議冤不獲伸

明史有傳

杜啓人物志

清道光十七年旌

東山孝貞節烈編

蔡氏名妙寧仲簡女西山堂里徐襄妻年二十夫亡撫孤義成立娶馬行景之女年二十而

義亦亡姑媳冰操守節終身當道表其居曰雙節堂

太湖備考

曹順妻葉氏洞庭東山人景泰中順死旅邸舅姑欲改嫁不從復強之一夕自經簷下明日

其夫骸骨適歸遂合葬焉

震澤編

清道光十七年追旌

東山孝貞節烈編

葉芸妻鄒氏嫁僅兩月芸卒毀容不出房限不見男子姑曰如火盜疾病何鄒曰火至委身煨燼盜至則先自刎疾聽其死不得令醫診察年六十卒遺命就殯於室毋受親戚男子

弔夜半舉柩毋令人見

姑蘇志

錢氏洞庭山人年十六嫁姚冕生一女成化十九年冕客死喪歸氏迎喪哀慟躍入湖家人救之不死服闋夫兄欲嫁之氏躍入池家人復救之一日薄暮淅米釜中謂女曰汝熱吾少睡糜成告我比女往告寢門堅閉叩而啼家人大驚破窗入則縊於牀死矣

徽顯志

清同

治十年追旌

旌表實錄

張孟舉妻曹氏洞庭東山人二十二歲夫亡父母欲奪其志氏斷指以誓奉孀姑金氏同室

寢者四十五年姑卒婦哀毀成疾卒

具區志

清道光十九年追旌

東山孝貞節烈編

張氏都御史毛理妾也年甫二十琨卒將斂張抱棺碎首流血求殉親衆持之得不死既殮入臥內給從者出閉戶自經衆毀戶救解理尙有張沈二妾泣語之曰汝盡矣奈我二人

何張不得已乃剪髮登樓足不履地四十餘載後膺旌典

汪起鳳傳

金上珍妻吳氏東山人婚彌月夫遠客未幾以櫬歸氏拊棺擗踊葬時縊於墓救甦自此惟

求速死逾年嘔血卒年十九

太湖備考

清道光十九年追旌

東山孝貞節烈編

陸貞婦失其夫名夫死於水誓不嫁舅歿無他子喪葬盡禮

乾隆縣志

俞氏縣學生顧春妻春患病將革與俞訣勉其守節俞號泣不止因以指抉雙目不得出乃

以剪刺其左目血流徧體復欲刺其右目姑奪其剪諭之曰爾欲養舅姑育二子留其一

目可也越六日而卒

姑蘇志

嘉靖間旌

沈成德妻徐氏洞庭西山人年十五歸沈事後姑盡孝成德客死遺孤三人皆幼家貧舅姑

强其改嫁氏斷髮毀形誓死不奪冬夏栖止斗室中風雨不蔽日不再餐守節五十五年

王志堅傳

余佈妻馬氏橫塘里人養姑以孝聞嫁甫五十夫死無子生一女姑欲奪其志有田二畝半

粟弗與馬不爲動姑潛納某聘一夕鼓吹臨門姑趣治裝入臥室自經死几上尙有食糠

二器

徐鳴時
橫溪錄

清同治十年追旌

旌表
實錄

韓廷珪妻孫氏廷珪以販席寓潯陽孫與二女金蓮玉蓮隨宸濠陷九江廷珪適往龍坪鬻
貨人勸孫逃孫顧女曰逃必污辱計惟一死女曰生死無相離於是母女共取長繩繫腰
赴河死孫年三十五女長年十四幼年十一至嘉靖初分守參政范永鸞勘實奏聞得旌

陸嘉穎傳
史作衛廷珪誤

案明

許震妻徐氏本江寧人寓於吳夫亡守節教子成名官御史

通志

洞庭少婦爲倭所掠過獨板橋二倭前後扶曳側足而行進至橋心婦兩手握倭臂號呼踴

而墮水二倭爲所牽俱溺死又有夫婦相攜避倭匿渡僧橋下破船內倭搜得之殺其夫

婦叫罵不屈倭執刀恐之罵益厲竟爲腰斬其夫中刃未殊得不死收葬婦終身不娶

康熙

志清道光十七年追旌

東山孝貞
節烈編

曹氏蘇州衛屯軍鑑女倭寇至以小舟載蘆葦中先抱幼男官壽赴水尋自溺後撈出母子

屍猶相抱

黃魯曾
往哲記

毛氏尙寶卿王延喆妻都御史琨少女通文史既嫁事舅文恪公得歡心數舉子不育謂夫

曰大人日益老君壯未有子而吾善病恐終無所有君盍畜諸御以求蕃息乎既而妾媵

數生男氏斂退獨處二十年夫卒投地大慟氣絕復蘇稍起治後事既又大慟竟卒距夫

死纔一宿耳事在嘉靖二十年東山孝貞節烈編卷三清同治十年追旌旌表實錄

邱烈女吳士銑聘妻銑家貧娶而未成婚里中浮薄子弟日窺其戶銑不能禁女慮不免自

經死見吳氏年追旌旌表實錄

殷國彥妻潘氏木瀆人年二十二而寡茹齋守志至六十九歲預知死期及期櫛沐整衣不

進飲食家人固請曰此間無受處含笑而逝馮翼清編

孟元卿妻李氏二十七夫亡櫛沐整衣笄從容向姑再拜閨戶自經死時萬歷己丑十二月

二十日清同治十年追旌太湖備考馬蹟山人旌表實錄列吳縣姑存俟考

陳惠妻須氏善人橋農家女年十九適惠早亡無子土豪顧臣豔其姿欲攘爲妾糾黨百餘

人入其家強娶之翁姑涕泣莫敢誰何氏獨怡然密赴後園自經死知縣周爾發痛答擬

抵將上其事於巡按御史請旌會爾發調任未果王志

須烈婦梅社人夫李死市兒悅其色爭欲娶之婦泣曰我方送一夫旋迎一夫且利我夫之死而妻我不猶殺我夫耶市兒乃糾黨聚謀將掠之婦驚奔母母不敢留返於姑姑懼如母投姊姊益不敢留婦泣而歸鄰人勸之曰若卽死誰旌若節者何自苦若此婦度終不

免自經死

明史

周氏席本登妻席病劇囑氏周期改適氏誓不二既殮翁謀窀穸氏請治雙穴翁以年少靳之氏聞卽自經死時萬歷三十七年也清道光十七年追旌

東山孝貞節烈編

周氏洞庭東山人年十九適曹憲輅越二歲夫病羸竭力醫禳傾奩資歷五年夫病篤屬氏

兄曰我負此賢婦當善遣之氏聞之曰是何言哉我不先死恐傷君耳及卒從容爲夫沐

屍更衣並易已衣周身密縫之自縊夫側

陳器傳

清道光十七年追旌

東山孝貞節烈編

殷稟妻葉氏洞庭東山人稟客遊得疾歸卒婦視含殮畢投繯死時年二十八

太湖備考作二十六金俊

明傳

清道光十七年追旌

東山孝貞節烈編

夏椿庭妻曹氏洞庭西山人年二十三夫亡自刎以殉賴救得不死守節六十六年崇禎六

年卒

太湖備考

王某妻徐氏二歲喪母歸王爲養媳夫亡撫孤守節崇禎時旌

通志

張敏德妻楊氏崇禎時寇發居民奔竄氏促夫負孀姑先逃罵賊撻刃死

乾隆志

清道光二十

八年追旌

長元節
孝祠志

賀氏嚴士聰妻舅若愚以諸生游魯遂家於剡城馬頭集崇禎辛巳流賊至士聰負子出奔

賊入其家將掠氏去氏以死拒遂被殺

太湖備考

清道光二十七年追旌

東山孝貞節烈編

吳氏二女洞庭東山人一爲吳宗玉女適周其蔚徙江寧踰年夫死生一女甫兩月堅志守

節五十年不變一爲吳五玉女適葉裕徙常熟不久夫喪遺腹生一男啞而且聾又極貧

守節三十年而卒號爲雙節

乾隆縣志

王祚煥繼妻陸氏夫亡無子同日死節

東山孝貞節烈編

席時龍妻吳氏年十九寡撫孤遺紹成立遺紹感母苦志殫心侍奉娶妻俞氏孝養其姑後

姑患重疾遺紹慟絕數四俞氏潛割股和藥療之崇禎十三年姑卒俞氏哀毀成疾越五

年亦卒人稱其一門節孝崇禎十四年

東山孝貞節烈編
作十三年旌太湖備考

東山周氏年十六適葉嬰暉甫一月夫客松江逾年卒氏聞赴緼死

具區志

清道光十七年追

旌東山孝貞節烈編

翁希邵妻沈氏弟希堯

徽顯志作姚

妻朱氏同室居夫皆客死沈朱共誓柏舟後遭回祿同赴火

死清道光十九年追旌

東山孝貞節烈編

黃某妻夏氏夫死自盡徐如珂有黃節婦殉夫歌云伏屍憑棺淚成血搶地呼天欲自絕舅

姑嚴諭不能回淹忽之間成永訣

汪正木讀詩存

謝某妻何氏夫死守節徐如珂挽以詩云幾回欲絕殉亡夫上有高堂下有孤雛統親操供

菽水篝燈時御佐吁唔門楣方喜來丹鳳墓木先悲泣野狐祿不逮親真恨事空教孝子

憶慈烏

木讀詩存

馬伯勳繼妻郭氏洞庭西山人生萬歷間二十五歲夫故子甫四齡撫孤守志苦節四十年

年六十五卒請旌祀石公山節烈祠

家述

申允庚妻周氏嘉定伯奎女也甲申之變不食死清道光十七年追旌

長元節孝祠志

齊某妻張氏諸生宏謨女也孀居乙酉兵至自刎不殊有錦衣者至兵指曰此主將也從之

則富貴大罵被殺又夏尙伊妻周氏同女壽姐避難華家墩兵至皆不屈死又諸生盧啓

祥妾蔣氏王化民妻黃氏守備吳自龍妻周氏曹廷禧妻錢氏諸生徐昌妻韓氏丁浦母
李氏諸生薛咸妻宋氏陸四妻湯氏張仲奇妻曹氏金滿妻徐氏武進士陳智錫妾湯氏
侍女丹鳳指揮吳元韶弟婦某氏諸生張起英二女皆投水死唐雲泉妻顧氏自經死諸
生毛澤卿妻某氏諸生徐樹聞妻張氏皆不屈死錢延卿妻袁氏徐某妻曹氏皆自勿死

徐秉義忠烈紀實

丁志皋妻周氏明季兵至執志皋刃之氏以身翼志皋兵斫之至死不釋兵去志皋竟無恙

清同治十年追旌

太湖備考作馬蹟山人今据旌表實錄

沈氏女許字黃于庚未嫁夫亡女十九歲父母議改適女聞閉戶自縊以救難自是縞素棲

止一樓家人罕得見鼎革時兄欲攜之避兵女曰樓居三十年死固我分奚避爲遂絕粒

死于庚弟家芳迎女柩與于庚合葬虎邱

縣志

清道光二十八年追旌

長元節孝祠志

香娘金閨人豔於姿而工詩爲吳易姬太湖兵敗易全家殉難姬爲軍所獲求死不得主帥

義釋之居小庵爲尼勵節終身

吳門表隱引南關逸史

諸生劉古江妻葛氏甲申之變避兵至崑山七月十六日古江以全帛自繫及其妻與一子

三女投通惠河一女十歲湧出未死清道光二十八年追旌道光志參祠志前志列崑山案劉入吳庠葛氏當從夫

秦籍故移載吳縣 席啓章一作昌妻張氏洞庭東山人順治二年山中寇警姑挈之走避氏素病足謂姑曰不走

則被辱走亦累姑有死而已自經死太湖備考此處馮志亦註太湖備考原文今據正清道光十七年追

旌東山孝貞節烈編 錢廷獻吳庠生乙酉不屈被殺妻袁氏自勿死清道光二十年追旌吳門表隱參長元節孝祠志

方氏東山人適桐城舉人錢澄之明史作秉譯澄之即其字南都不守挈家南下案明史列女傳云秉譯與阮大鍼同里有隙避

女赴水死時乙酉八月十七日年三十四明日得其屍衣皆紵聯不可解殯諸普濟寺中吳中方挈男

赴水時自題一絕於練裙云女子生身薄命多隨風飄蕩欲如何移舟到處驚兵火死作

吳江一段波七十二集 洞庭西山鄭揚宇妻蔡氏初從夫僑寓湖廣明末歸吳遇流寇被擄女誓死不辱賊斫之斷

臂死鄭氏家譜

八

婁復聞妻張氏婁嘉定諸生善詩文書畫有聲復社移居鄧尉山乙酉不屈死氏亦被殺列朝集詩

徐安遠妻楊氏徐武進人從吳易太湖起兵被執不屈死氏與妾惠香俱死吳門表隱以上俱同治府志

消夏灣蔡仲彬妻夏氏山陽人仲彬商於淮娶氏甚孝且賢年二十夫故氏矢志侍養守節

終身郡守以聞永樂初旌其門乾隆吳縣志以下增補

匯上沈墳字仲雍妻馬氏同里馬良之女年二十歸沈越八歲夫歿時年二十有八撫孤苦節

卒年六十有八計守節四十一年子一維聰同上

匯上沈廷玉妻馬氏洞山下馬士隆女年十八歸沈越九年夫故時氏年二十有八矢志撫

孤事姑極孝卒年五十有九計守節三十三年子二璉璉廬山陳宗爲作墓誌

消夏灣庠生蔡純正妻徐氏崦邊徐口之女年十七適蔡二十四歲而夫歿家貧如洗氏堅

志苦守日食藜藿卒年五十有五計守節三十二年

秦家堡秦用章妻許氏東山許口之女年十八歸秦明年夫故氏年十九孤苦守志卒年六

十有五計守節四十七年當道旌其門曰貞節冰心

沈璧字蘊之妻馬氏同里馬林之女年十口歸沈二十七歲而夫歿氏孝事孀姑教子成名卒年五十有九守節三十二年子一盡臣貴誥贈宜人

吳縣志

崦里徐守仁妻張氏涵村張肇元女年十口歸徐三十歲夫故子壽椿甫五歲撫之成立娶媳嚴氏壽椿復夭撫孤孫一鳳姑媳孀居艱辛萬狀卒年七十有九計守節五十年吏部員外陸康稷表其廬曰貞節流芳沈盡臣有傳

崦里徐承初字繼先妻金氏口里金希文女年十六適徐越三載承初入都卒於寶應途中氏年十九遺孤襁褓家徒壁立矢志撫孤成立卒年八十有二計守節六十四年子養重匯上沈愛泉妻徐氏唐里徐抱拙之女年二十適沈三十歲夫故矢節教子卒年七十歲計守節四十一年子二士英士佳

消夏灣蔡堯妻馬氏前堡馬昂思之女年二十適堯越三年而堯歿氏辛苦撫孤事舅姑極孝卒年八十有二計守節六十年子一昆明

塔頭鄒仰泉妻董氏鳳凰山董仲全之女年十口適鄒二十五歲夫故氏艱苦撫孤卒年七十有三計守節四十九年子二新宇瑞宇